

皇清經解續編

皇

清

經

解

類

編

皇清經解續編卷千三百五十一

南菁書院

周易互體徵

德清俞樾蔭甫著

易有互體乃古法也春秋莊二十二年左傳載陳侯之筮遇觀之否曰風爲天於土上山也注曰自二至四有艮象艮爲山是在孔子未贊周易之前已有互體之說其可廢而不用乎余觀爻象多有取之互體者因卽其明白可據者著於篇屯六二女子貞不字

按自二至四互坤坤道成女故稱女子居坤之初故不字蒙六三勿用娶女見金夫不有躬

按自三至五互坤坤道成女故稱女其曰金夫者自二至三互震震爲夫虞翻說也惟虞氏必謂二初發成兌故三稱女

則恐不然虞又云坤身稱躬今順經文讀之不有躬卽謂女不有其躬躬爲坤象則女亦坤象明矣何必以兌言乎

師六四師左次无咎

按自二至四互震震東方之卦也故左次无咎

小畜九三夫妻反目

按自三至五互離離爲目故有目象

履六三眇能視跛能履

按自二至四互離自三至五互巽離爲目故能視巽爲股故能履其下卦兌也兌爲毀折故眇且跛

泰九二用馮河

按自二至四互兌兌爲澤自三至五互震震爲足震足在兌

澤之上故有馮河之象

六五帝乙歸妹

按自三至五互震帝出乎震故稱帝自二至四互兌兌爲少女故稱妹歸妹六五辭與此同蓋泰卦自二至五兌下震上即歸妹也觀此而不信互體其亦不足與言易矣

否九四有命无咎

按自三至五互巽重巽以申命故有命同人九三伏戎于莽升其高陵

按同人下體離也離爲戈兵故稱戎離在下故曰伏戎于莽自二至四互巽巽爲高故升其高陵也

謙九三勞謙君子

按自三至五互坎坎勞卦也故曰勞謙

豫六二介于石

按自二至四互艮艮爲小石故曰介于石

六五貞疾恆不死

按自三至五互坎坎爲心病爲耳痛故有疾象自三至四互否艮艮止也疾止故不死也

隨六二係小子失丈夫

按隨下體震震長男也故稱丈夫自二至四互艮艮少男也故稱小子六三爻之丈夫小子亦然但所係所失不同則各視其位也

觀六二闕觀

按自二至四互艮艮爲門闕故有闕觀之象

噬嗑上九何校滅耳

按自三至五互坎坎爲耳上九一爻居坎耳之上故有滅耳之象

又按六二噬膚滅鼻虞云艮爲鼻是也蓋艮爲鼻鼻之於臭義本相通爲臭則亦得爲鼻矣以經無明文故姑闕之

賁六四白馬翰如

按自三至五互震震於馬爲的顙故有白馬之象爾雅釋畜的顙白顙舍人曰的白也顙額也郭璞曰戴星馬也然則易言白馬其卽詩所云有馬白顙乎

咸九三咸其股

按自二至四互巽巽爲繩直故有係遯之象

大壯九三羝羊觸藩

按自三至五互兌兌爲羊故有羊象六五上六言羊並兌象也

九四藩決不羸

按決亦以兌言兌爲附決也九三居兌初爻有九四一陽在其上故有觸藩之象九四之上則陰爻矣故藩決而不羸也上六亦云羝羊觸藩則以應在三故仍以三言

晉九四晉如碩鼠

按自二至四互艮艮爲鼠故有碩鼠之象

明夷六二用拯馬壯吉

按自二至四互坎坎於馬爲美脊故有馬壯之吉

六四入于左腹

按明夷上體坤也坤爲腹故有腹象自三至五互震震東方之卦也故爲左腹

睽六三見輿曳

按自三至五互坎坎爲輿爲曳故有見輿曳之象愚疑說卦傳本作其於輿也爲曳說詳羣經平議

上九見豕負塗

按自三至五互坎坎爲豕故上九有見豕之象上體離也離爲目下體兌也兌爲澤以離目視坎豕在兌澤中是爲見豕負塗

載鬼一車

按自三至五互坎坎有輿象故爲車何謂鬼虞氏以乾神坤鬼說之義未盡也以乾坤言則乾神而坤鬼以坎離言則坎神而離鬼睽上體離自二至四又互離而互體之坎正當其中故有載鬼一車之象說詳易貫

先張之弧

按自三至五互坎坎爲弓輪故有弧象

萃初六一握爲笑

按自二至四互艮艮爲手故初六有一握之象

革九四有孚改命吉

按自二至四互巽重巽以申命處革之時故改命吉

震六二躋於九陵只只為巫姑育巫象

按自二至四互艮艮為山故有陵象

九四震遂泥

按自三至五互坎坎為水故有泥象

漸初六鴻漸于干

按水畔曰干自二至四互坎坎為水故初六有干象也

九三婦孕不育

按自三至五互離離為大腹故有婦孕之象九五婦三歲不

孕亦取離象九三居內卦艮體艮止也故不育九五居外卦

巽體巽為不果故不孕矣

歸妹九二眇能視

皇清經義
五
按自二至四互離離爲目故能視其下體兌也兌爲毀折離
目毀故眇也與履六三同

又按履六三眇能視跛能履連文此則跛能履在初九眇能
視在九二然取象實同惟履六三跛能履以互體巽言此則
以上體震言上震下兌震足毀折故跛也與互體無關然亦
不可不知其義故附及之

豐九三折其右肱

按釋文曰肱姚作股當從之自二至四互巽巽爲股自二至
五互兌兌爲毀折故曰折其股兌又西方之卦也故爲右矣

巽九二用史巫紛若

貝爲山姑育製案
按自二至四互兌兌爲巫故有巫象

渙六四渙有正

按自三至五互艮艮爲山故有正象賁頤並言正其上體皆艮也渙無艮而亦言正非取之互體而何此可爲不信互體者告矣

節初九不出戶庭

按自三至五互艮艮爲門闕故初九言戶庭初二言門庭皆取艮象也初在內故言戶二在外故言門初二兩爻皆未至艮體故曰不出然初不出可也二不出則凶矣此位之異也中孚九二鳴鶴在陰

按自二至四互震震於馬也爲善鳴二爻言鳴四爻言馬並震象也

小過六五自我西郊

按自三至五互兌兌西方之卦也故爲西郊此與小畜卦辭同小畜互體亦有兌也余此卷專說爻辭故小畜卦辭附說於此

皇清經解續編卷千二百五十一終

長沙王善化劉

賁校

皇清經解續編卷千二百五十二

南菁書院

九族考

德清俞樾蔭甫著

尙書堯典以親九族九族既睦釋文曰上至高祖下至元孫凡九族馬鄭同

按此乃尙書古文家說枚傳亦云以睦高祖元孫之親

堯典正義曰異義夏侯歐陽等以爲九族者父族四母族三妻族二皆據異姓有服

詩王風葛藟篇正義曰異義九族今戴禮尙書歐陽說云九族乃異姓有親屬者父族四五屬之內爲一族父女昆弟適人者與其子爲一族已女昆弟適人者與其子爲一族已之子適人者與其子爲一族母族三母之父姓爲一族母之母姓爲一族

母女昆弟適人者爲一族妻族二妻之父姓爲一族妻之母姓

爲一族

桓六年左傳正義引異義文與此同惟母女昆弟適人者下亦有與其子三字當從之

按此乃尙書今文家說許慎五經異義實主其說而以古文家說爲不然其說曰案禮總麻三月以上服恩之所及禮爲妻父母有服明在九族中九族不得但施於同姓鄭康成則駁之曰婦人歸宗女子雖適人字猶繫姓明不與父兄爲異族其子則然昏禮請期辭曰惟是三族之不虞欲及今三族未有不億度之事而迎婦也如此所云三族不當有異姓異姓其服皆總麻禮雜記下總麻之服不禁嫁女娶婦是爲異姓不在族中明矣周禮小宗伯掌三族之別名喪服小記說服之義曰親親以三爲五以五爲九以此言之知高祖至元

孫昭然察矣是九族之說古文今文兩家既不同而許鄭兩
大儒又各主一說後之學者將何所適從歟乃者今文家說
其流別又有三

白虎通宗族篇曰族所以九何九之爲言究也親疏恩愛究竟
也謂父族四母族三妻族二父族四者謂父之姓一族也父女
昆弟適人有子爲二族也身女昆弟適人有子爲三族也身女
子適人有子爲四族也母族三者母之父母一族也母之昆弟
二族也母昆弟子三族也母昆弟者男女皆在外親故合言之
妻族二者妻之父爲一族妻之母爲二族妻之親略故父母各
一族

按此卽夏侯歐陽之說惟於母族合父母爲一而增母昆弟